

զատ՝ կան նաեւ երեք տանուտէրեր, որոնք ընտրուում են բոլորովին այլ կարգով եւ այլ նրպատակների համար: Բայց այդ մասին քիչ յետոյ:

Ազգային ժողովն ունի մէկ արտասովոր եւ միեւնոյն ժամանակ նաեւ պատուոյ պաշտօն եւս, որի տէրը կոչուում է «Հայր Հայաստանեաց» կամ հայրենարինամ ծնող իշխանութեան տանն հայոց» (լէ, լգ, լս): Ընտրուում է մի հոգի, վիճակով, բոլոր պատգամաւորների մէջից եւ միայն երեք օր ժամանակով: Նրա պարտականութիւնը — կամ աւելի ճիշդ — իրաւունքն է՝ պատգամաւորների միջից, իր հայեցողութեամբ ընտրել վերոյիշեալ երեք տանուտէրերին, նշանակել նրանց աստիճանները (առաջին, երկրորդ, երրորդ), երգուեցընել նրանց եւ յատուկ թղթով իշխանութիւն տալ նրանց՝ ազգային ժողովի դիւանը կամ դիւանի նման մէկ հաւաքական մարմին կազմելու:

Եւ որովհետեւ այդ երրորդութիւնը իրապէս իր մէջ ամփոփում է ազգային ժողովը, հետեւապէս իր մէջ ամփոփում է նաեւ ազգի բոլոր վեհապետական իրաւունքները — եւ նրանից են բղխում երկրի բոլոր իշխանութիւնները, ուստի իրաւամբ այդ երրորդութիւնը կեանքի կոչող անձնաւորութիւնը կոչուում է «Հայր Հայաստանեաց» կամ «Հայրախնամ ծնող իշխանութեան տանն հայոց» (լսգ):

Այդ երեք տանուտէրերը, իրենց նոյնանրման կարգով, բնուում են ազգային ժողովում իրենց երկրորդ, երրորդ եւ չորրորդ աթոռները, Հանրապետութեան նախագահից յետոյ: Հարկաւոր դէպքում նրանք կարող են իրենց թիւն աւելացնել (լսե): Երեքից առաջինը միշտ Ամենայն Հայոց Կաթողիկոսի ներկայացուցիչն է (մլգ):

Պէտք է արձանագրել, որ ընդհանրապէս չափազանց անորոշ են ձեւակերպուած նրանց իրաւունքներն ու պարտականութիւնները, յաճախ նաեւ իրար հակասող յօդուածներով: Սակայն այդ ընդհանուր անորոշութեան միջից այնուամենայնիւ կարելի է մակարեւել, որ նրանք իշխանութիւն ունեն —

1. Մասնակցել ազգային ժողովի բոլոր այխատանքներին, որպէս նրա դիւանը.

2. Յետ ստանալ Հայր Հայաստանեացից վերջնիս պաշտօնատարութեան թուղթը.

3. Հետեւել ազգային ժողովից ելած օրէնքների ու կարգադրութիւնների զործագրութեանը.

4. Պաշտօնների թուղթ կամ նամակ (հրովարտակ) տալ ազգ. ժողովից ընտրուած բոլոր պաշտօնեաներին, սկսած Հանրապետութեան նախագահից (լսգ):

Չմոռանանք նկատել, որ մի յատուկ օրէնքով (լսգ) մինչեւ իսկ նրանց իրաւունք է տրուում բոլոր պաշտօնները — բացի Հանրապետութեան նախագահի պաշտօնից — կարգադրելու եւ բաշխելու, առանց ազգ. ժողովի որոշման: Թէեւ անմիջապէս նրան հետեւում է մէկ ուրիշ յօդուած, որով սահմանափակուում է այդ իրաւունքը յօգուտ ազգ. ժողովի. «Պաշտօն նախարարութեան»), ծայրագոյն դատաւորութեան, ասպետութեան եւ սպարապետութեան պարտ է ելանել ի տանէ հայոց եւ ի բերանէ բոլոր տանուտէրաց» (լսէ):

Յամենայն դէպս պարզ է, որ երեք տանուտէրերի կողմերիան — ըստ Շահամիրեանի — հանդիսանում է երկրի իշխանութեան անմիջական աղբիւրը — ի դիմաց ազգ. ժողովի եւ բոլոր թղթերը ազգ. ժողովից դուրս են գալիս այդ երեքի ստորագրութեամբ:

Բայց թէ ի՞նչ ձեւով է տանում նա իր զործավարութիւնը — այս մասին ոչ մի օրէնք. միայն մէկ բան շատ որոշ շեշտուած է, այն, որ նրա տուած թղթերի վրայ, երեքի ստորագրութիւնների հետ միասին, անպայմանօրէն պիտի լինի նաեւ գծագրի — կամ մեր լեզուով եթէ ասենք՝ քարտուղարի — ստորագրութիւնը (լսգ), իսկ շատ կարեւոր թղթերում — ինչպէս օրինակ՝ Հանրապետութեան նախագահի, ծայրագոյն դատաւորների, ըսպարապետութեան եւ ասպետութեան հրովարտակների վրայ — նաեւ հայոց տան կնիքը (լսէ):

Օրէնագրութեան կարգը ազգ. ժողովում, որ նոյնպէս չափազանց անորոշ է եւ խառնի խոռոն, մօտաւորապէս հետեւեալ ձեւով է սահմանուած. Իւրաքանչիւր օրինագիծ նախ-

1) «Նախարար» է կոչում Հանրապետութեան նախագահին: